

欽定剿平三省邪匪方略

欽定剿平三省邪匪方略正編卷七十五

戊午年

七月初三日

乙丑

勒保奏言查王三槐一股賊匪

屯踞陳家山安樂坪一帶嗣徐添德林亮功等

接踵奔逃冀圖竄合當經

臣

飛飭觀成穆克登

阿等帶領官兵於奉節大寧一帶嚴行堵截遏

其東竄而雲陽一面尙屬空虛復添派艾如文

率領兵勇馳赴雲安場分拿營卡直抵江口與

富爾賽互相聯絡

臣

與富成七十五等督率各

路官兵分投馳擊途次據報安樂坪之賊屢次

分遣黨與滋擾奉節縣屬之竹園坪及大寧縣

屬之寒水壩等處觀成穆克登阿分兵迎擊殺

賊自數十名至一二百名不等又有竄赴雲陽

沙沱子地方之賊亦經艾如文富爾賽等知會

夾擊賊匪旋復退回觀成等卽於甘溪口渡口

壩一帶拿卡進逼與賊巢對拒徐添德等一股
賊匪自上八廟竄至開縣三匯口欲由路陽壩
前赴陳家山臣隨派舒亮偕知府吳桂等帶領
兵勇馳赴楊子嶺地方扼要堵截並飭富成七
十五等督率官兵由畫眉壩繞出賊前初九日
行抵窄口子地方正遇賊匪從楊子嶺折回蜂
擁而至富成七十五分爲兩路併力攻剿賊匪

不能抵禦紛紛潰逃我兵分投截擊翻越大山
兩重追剿四十餘里殲賊八百餘名生擒六十
三名富成七十五等乘勝追擊直至大寧上三
壩地方沿途山溝樹林之內零星潛匿之匪甚
衆悉經臣分撥官兵搜剿殆盡其林亮功股匪
由臨江市竄至三匯口經總兵德英額帶兵趕
到殲戮一百餘名該匪折向譚家壩一帶奔竄

臣

隨飛飭富林布及叅將姜敏功帶兵由寒風

坳進發並飭舒亮吳桂就近由楊子嶺馳赴陝

佛巖迎頭截擊兩路官兵於初九十二十三等

日連次邀擊於水田壩漆樹溝魏家壩等處斃

賊七八百名賊衆踉蹌奔潰遂從關口坪折向

太平東鄉交界之月亮坪土黃壩一帶屯踞

臣

行抵大梁正在督兵進剿安樂坪賊巢並催僭

各路官兵星馳進發適擄探報門縣之蘭芽場
地方復有響應賊匪爲首係牟姓洪姓聚衆三
四千人與王三槐徐添德等往來勾結連日焚
掠路陽壩溫湯井一帶勢亦猖獗查蘭芽場地
方路逕叢歧適居大寧太平東鄉交界與林亮
功現在竄聚之處相距更近刻下夔州東南一
面雖有觀成穆克登阿劉君輔富爾賽艾如文

等分投堵截其太平一路亦先經飭令叅將銜
原任總兵楊秀帶兵駐守而此股賊匪正在

臣

進剿安樂坪後路急須設法殲除

臣

現在督率

百祥等由蘆花嶺溫湯井一帶前進就近將此

新起賊匪先行剿辦一俟後路肅清仍當趕緊

督兵兜擒各股首逆至陝匪高均德等自廣元

南江邊界闖入巴州儀隴與冉文儔合夥據報

擾及營山渠縣一帶

臣

現經札飭達州渠縣等

州縣於三滙蛟蟲溪等處圍集鄉勇擇要堵禦
並知會德楞泰惠齡恒瑞趕緊督兵追剿冀收
兩面夾擊之効此次各路打仗守備李國寶把
總林中南陣亡其餘傷亡兵勇另行查明咨部
奏入

上命軍機大臣傳諭勒保秦承恩曰王三槐一股竄

入陳家山後爲日已久勒保帶兵剿辦總未能設
法兜截迅速殲除實屬無能著傳旨嚴行申飭今
開縣蘭芽場地方又有新起賊匪自係教匪夥黨
若不速行撲滅則賊數日添愈形散漫官兵處處
爲之牽掣成何事體勒保現已馳赴該處必須督
率雲貴新兵及現有兵勇將此股新起賊匪痛殲
圍剿先行辦竣肅清後路俾心懷反側之徒不敢

復萌故智勒保卽赴安樂坪搜剿王三槐等再移
師兜擒各股首逆以次殄平總之著名首惡一就
擒獲卽反側亦可潛消不可因賊匪股數較多惟
事東追西擊辦理毫無把握其徐添德林亮功兩
股現有富成舒亮德英額等帶兵會剿卽責成富
成等奮力截擊不令竄合速擒賊首倘再任輾轉
奔逃惟伊等是問此時林亮功等已折向太平東

鄉交界處所竄聚該處與陝境毗連秦承恩王文
雄尤當督率兵勇實力堵剿毋使闖入所有陣亡
守備李國賓把總林中南俱著咨部議卹

初四日

丙寅

額勒登保與肇奏言賊匪張漢潮等

由楚省被剿竄入陝境

臣

等商同景安於原帶

滿漢官兵一千餘名之外又添帶湖北湖南官

兵二千名卽由鎮坪一路截剿嗣

臣

等偵得賊

匪從大樹河小樹河一帶奔竄此一帶係平利縣所屬路通興安紫陽等處隨分派副將豆霽帶兵五百名由大樹河一路跟擊查白沙河孟石嶺一帶爲入興安紫陽要路臣等卽率同綸布春楊遇春多爾濟扎普等覓道由化龍山翻山徑赴白沙河抄截十六日在孟石嶺適遇賊匪奔竄而來該處路徑叢雜臣等督率官兵分

頭迎擊殺賊六百餘名生擒鄒正材等八十三
名訊係從逆打仗之犯當俱正法餘賊又折出
八仙河霸王廟一路逃竄次日復經追擊賊匪
由油榨坪竄入荒林於十九二十等日從平利
縣之界嶺向四川太平縣境逃逸連日追賊之
所俱係深山疊嶺荒僻之處而界嶺上下六十
餘里山勢更屬陡險雖向有羊腸一徑又經民

人刨挖步行官兵攀援已過而馬隊官兵及銅

帳等項實難行走

臣

等卽派兵攜帶鋤鋤隨處

開修前進以期速擒首逆再

臣

等現在軍行均

係陝省平利縣境需用軍火糧餉先經札飭辦

理該縣相距本遠想日內自可運到刻下尙係

景安所派之道員依精阿等隨同辦理接濟此

時賊匪竄入川境

臣

等已知會勒保並英善福

寧等飭屬趕辦運供並委員前來接辦以利師
行

同日景安奏言楚北竄匪張漢潮等前經臣與

額勒登保等節次分路痛剿賊匪分爲多股亡

命狂奔由竹谿之界嶺逸入陝省平利縣境其

竹谿邊界凡深山密箐竄伏餘匪亦復不少是

以臣等商酌分兵額勒登保與興肇帶兵入陝

抄擊

臣

暫駐竹谿邊界分遣將領帶兵四路搜

捕連日據各官兵於山溝深林中捕獲餘匪或

數十人或一二百人不等隨時提訊其甘心從

逆者各予駢誅被裹之人當卽省釋並據探報

猴子坪山溝內伏匿賊匪數百人

臣

卽督兵迅

往剿捕賊匪竄奔紅土山負嵎抗拒察看該處

山勢陡險山前僅有一線小路已被賊匪佔踞

雖山後有陡溝一道尙可攀援而上適是夜大

雨如注料賊匪斷不防備

臣

當挑選健兵五百

名於四更雨止後由山後溝內攀樹附藤而上

出其不意鎗箭齊發賊人遽形慌亂當被擊斃

三百餘名生擒何士鳳等二百四十五名訊據

供稱此股賊匪係張漢潮手下賊目向得林帶

領六百餘人在竹谿山內埋伏原想等候官兵

出境卽赴各處放火糾集散竄之人趕赴平利
會合今向得林已被官兵鎗斃等語隨據各匪
指出屍骸當卽判屍梟示其餘概行正法隨探
張漢潮等已竄至入仙河等處若向西南則入
四川太平西北則奔陝西安康紫陽等處相距
竹谿邊境已有四百餘里臣於剿捕餘匪元竣
卽移師前進相機截剿二十三日行至平利之

關亞地方接據房縣令秦錫疇急報川省開縣
賊首王光祖夥衆數千人已竄至大寧縣之峽
口核桃嶺等處焚掠逼近縣境又據保康令楊
開鏡稟報探得川省各股賊匪俱竄屯雲陽開
萬之間均與楚省巴東接近臣查房縣巴東邊
境前已派委文圖王凱分往嚴防惟該提鎮等
所帶之兵各止數百名甚形單簿且文圖因受

濕過深染忠瘡毒恐帶兵亦不得力

臣

所帶之

兵係河南山東及南北兩省餘兵除傷亡病故
及患病留於各處調養外現剩止有二千餘名

臣

若全數帶領入陝協剿於楚省邊防卽難兼

顧設大夥之賊奔突而來竊計現有兵勇斷難

堵截一經闖入所關甚重

臣

現於所帶兵內撥

出一千名交與王凱帶領速赴巴歸邊界會同

文圖督率原有兵勇實力堵截

臣

帶領官兵一

千餘名倍道馳赴房縣擇要駐劄相機堵剿其
竹谿邊界另派將弁帶兵駐守以昭周密均奏

入

上命軍機大臣傳諭勒保宜總景安惠齡恒瑞秦承
恩曰張漢潮等一股賊匪額勒登保等帶領勁兵
追剿而平利一帶又有宜綿明亮截擊乃不能將

賊首卽行擒獲又任由平利竄入四川太平縣境
實屬無能已極宜綿明亮額勒登保興肇俱着傳
旨嚴行申飭現在川省賊匪俱在開縣雲萬一帶
往來竄擾而開縣蘭芽場地方又有新起匪徒相
距太平更近此股張漢潮竄匪勢已潰敗額勒登
保等務要緊躡賊蹤設法抄截毋任與開縣新起
匪黨復行竄合太平與西鄉接壤秦承恩王文雄

尤當實力堵截毋得稍有疎懈其平利一帶著責成宜綿在彼防堵以遏賊匪折竄之路明亮應同額勒登保等速赴川省太平一路協同剿捕至勒保已帶兵馳赴蘭芽場尤當督率雲貴新兵將新起之賊痛加殲戮速行撲滅使心懷反側之徒咸知震懾自不敢效尤竊發而張漢潮一股亦可不致勾合滋擾又前此張漢潮等一股在楚省竹谿

一帶奔竄景安等不能速行搜捕致由陝境竄入
川省竟以鄰國爲壑景安等已屬失之於前此時
楚境已無賊匪而房縣巴東等處俱與川東接壤
景安現在帶兵前往務須督率兵勇實力堵禦卽
不能拏獲川匪亦當嚴密扼要堵截毋使一名乘
間竄入至文圖現經染患瘡毒未能乘騎帶兵不
能得力留彼無益徒滋戀棧著景安據實奏明再

降諭旨

初六日

戊辰

宜綿明亮奏言湖北竄匪闖入平利

之鎮坪可通安康紫陽各州縣經

臣

宜綿先後

派索費英阿及溫承惠帶領兵勇分赴各處防

堵賊匪已竄至南架山欲由龍鬚垭至平利因

所派義首周希元帶領鄉勇在龍鬚垭各卡防

守甚嚴未能越過適索費英阿等帶兵抵獅子

壩該匪又不能由磚坪至紫陽遂由白沙河口
翻苦竹關欲至安康被牙河鄉勇二千餘名截
住賊匪奔回孟石嶺遇額勒登保等山化龍山
抄至迎擊殺斃六百餘名賊匪遂折回八仙河
一帶奔逸其時臣宜綿率關騰等已抵涪河口

臣明亮亦自平利前赴鎮坪賊匪探知西北兩
面皆有大兵額勒登保等帶兵緊追又不能東

回楚省遂南至油榨坪棄其騾馬殺其婦女幼孩翻山越嶺爬入老林竄出四川太平境內之晒田壩一帶額勒登保等帶兵趕緊追截

臣明

亮卽由鎮坪取道入川與額勒登保等合兵會剿查此時賊匪雖出陝境而入川後被剿情急勢必復竄入陝又聞川匪一股向桃花埡旗桿山奔逸其來路卽距楚匪入川之路不遠必將

會合折回所有通川邊界分派關騰索費英阿等駐紮兩扇門鎬巖子各隘口嚴密堵禦

臣

宜

綿沿途搜捕餘匪招撫難民因受暑熱暫回興安調理至川楚陝三省交界處所山高林密各距所屬州縣五六十里軍糧一時備辦不及額勒登保入陝之初仍係楚省糧員運供此時陝糧甫經運送到營而官兵已入川境誠恐旬日

之內川省亦難趕辦臣宜綿仍飭陝省糧員源

源運送俟川省接辦有人再行回陝

同日高杞奏言查賊匪前在楚境總思搶船偷渡沿江船隻概行提泊東岸絕其窺伺之心加以上游汎水長發處處逆流灘險糧餉軍火挽運甚難是以由襄至鄖一路安設臺站多集夫騾趕運得以濟用無悞今賊已遠遁核計前運

各項存積尙多目下漢江水勢日落舟楫往來
無碍已飭令改由水運前至鄖郡轉赴竹山再
由陸路分送務使軍食充裕亦可不致多糜運
腳至川省需用軍糧前准英善福寧咨會借撥
卽經景安奏明飭令荊州府於截留湖南漕米
項下撥出三萬石解往夔府交收因值水漲封
峽船戶不能挽運前進茲自六月中旬以來晴

霽日多江水消落現已據報陸續開行

臣因川

省需糧甚急嚴飭委員並沿途州縣多加緯夫晝夜趲行到夔俾得迅速接濟其各屬民人因知賊已勢蹙遠竄邊防嚴密多已回籍復業均奏入

上命軍機大臣傳諭勒保宜綿景安惠齡恒瑞秦承恩曰賊匪竄入陝境平利地方宜綿等不能迎頭

截擊擊獲賊首又任竄入川境殊屬無能今明亮
已帶兵入川與額勒登保等合兵會剿必須併力
奮擊將張漢潮速行擒獲毋任與川省開縣新起
匪徒再行竄合至高均德等與川匪冉文儔本非
一夥今因被剿情急先後竄至大神山雖同聚一
處賊情究未必契合一經官兵擊剿誰肯捨命向
前其勢更易潰敗德楞泰所帶吉林黑龍江勁旅

及滿漢官兵共有七千餘人又與惠齡恒瑞合兵
一路聲勢更爲壯盛何閱多日尙未奏報捷音豈
仍前尾追落後尙未能設法兜圍擒拏首逆耶惠
齡恒瑞德楞泰著傳旨嚴行申飭至楚陝地方現
已無賊但該二省與川境在在毗連難保竄入川
省賊匪不又思折回陝楚宜綿現已回駐興安景
安在房縣堵剿尤當各守疆界督率官兵實力防

範其楚北之房縣歸巴一帶著責成景安督同王
凱等嚴密防堵陝省之平利西鄉一帶著責成宥
綿同關騰索費英阿柯藩等扼要堵截其漢中寧
沔一帶著責成秦承恩王文雄嚴行防守並督飭
兩省地方員弁帶同兵勇一體實力堵禦毋使川
匪闌入境內庶陝楚地方既可稍獲寧居而界連
川省之路截剿亦可得力又據高杞奏籌運軍糧

一指現在兵截剿賊匪需糧甚急總當妥爲運送無誤要需楚省民心甫經安定高杞惟當持以鎮靜綏靖地方爲要

初十日

壬申

德楞泰惠齡恒瑞奏言

臣

等前將冉

文儔等各股匪並陝匪高均德等兩面夾擊逼至大神山屯踞以冀次第掃除惟查各股匪衆二萬餘人互相結寨綿亘五六十里復於山腰

設立木城深挖濠塹並與上山要路處處挖斷
而山前之打石坡喻家垵等處又令夥匪設卡
把守必須將此兩處賊卡先行攻克方可相機
進剿當於十六日五鼓臣惠齡督率總兵李紹
祖副將關聯陞副將銜穆克登布叅將增德帶
兵進取打石坡賊卡臣恒瑞督率總兵觀祥副
將馬兆瑞遊擊岳寧阿李天林佐領祿成帶兵

進擊喻家垵賊卡

臣

德楞泰督率領隊賽冲阿

阿哈保阿穆勒塔達音泰侍衛墨爾歡保副將

德寧許文謨遊擊張朋等帶兵由中路緊扼大

神山賊匪奔竄之路并爲四路接應

臣

惠齡行

至打石坡隨督李紹祖等率兵直撲賊卡候補

千總武舉洪殿魁首先跳入卡內拋擲火彈將

茅棚焚燒我兵一湧而進刀鎗並舉連斃一百

餘人賊衆慌亂奔逸我兵奮力掩殺又斃三百餘人洪殿魁受傷陣亡餘匪俱望大神山竄去

臣恒瑞帶兵齊抵喻家垵山梁乘其不備鼓勵

將士砍開賊柵奮勇殺入殲斃二百餘人其零

星逃逸者不及百人惟時天已黎明大神山賊

匪約有千餘前來救應經臣德楞泰督令賽冲

阿等奮力迎擊連斃賊匪數十人該匪不敢迎

敵又見兩處賊卡已破驚慌回竄我兵攀援追殺又擊斃四百餘人餘衆俱各退回山上時已未刻該處俱無水道連日酷熱異常官兵奮力仰攻受暑甚衆祇可撤回因恐賊匪乘夜劫營當卽傳知各營將士嚴行偵伺互相援應至四鼓後果有賊衆千餘人直撲臣德楞泰營盤我兵待賊將近施放鎗礮擊斃數十人賊卽退竄

臣

德楞泰帶兵掩殺殲戮四百餘人正遇

臣惠

齡恒瑞接應前來兩面夾擊又殺死二百餘人
生擒魏高等九人餘衆紛紛竄逸時尙昏夜未
便窮追當提魏高等研訊據供冉文雋等因官
兵攻破打石坡等兩處卡子意欲乘夜撲營以
圖報復等語餘無要供當將該犯等正法正在
設法進攻間探聞高均德等有從土溪偷渡之

信

臣

惠齡雖前經嚴飭渠縣督率鄉勇防堵河

岸究恐賊衆勇單

臣

德楞泰當派都司馬應國

帶兵前赴土溪一帶防守並督率三匯口鄉勇

頭張鵬羽冉紹新等沿河堵截以遏賊匪東竄

之路猶恐大神山賊匪故智復萌思來劫營以

圖牽綴隨各派將弁帶兵於大營數里外擇要

埋伏以備截剿十七日三鼓竟有賊匪一股來

撲臣恒瑞營盤經我兵鼓勇迎殺擊斃二百餘

人賊急回竄臣恒瑞隨後追殺間臣德楞泰惠

齡帶兵接應而來又經穆克登布岳寧阿等伏

兵齊起三路截殺餘匪殆盡所剩二三十人乘

夜逃竄適於二十日午後雷雨交加風勢猛烈

遙望賊巢昏黑莫辨臣等料賊必無準備當於

是晚分兵三路進取臣惠齡督兵甫行十餘里

聞樹林內似有往來行走之人當卽派兵搜捕
詎有千餘賊匪突然撲出當卽帶兵截殺殲賊
三百餘人生擒何良等二十餘人臣恒瑞一聞
鎗礮之聲趕來接應兩面夾擊又殺賊四五百
人餘皆乘夜分竄臣德楞泰帶兵至山下見賊
約二千餘人潛行下山料係救援之賊當卽督
兵迎頭剿殺該匪等先自驚惶又經達音泰箭

斃執旂賊目一人手殺二人益形潰亂我兵奮

勇掩擊斃賊三百餘人賊匪潰散

臣

等方欲接

應惠齡一路正遇惠齡剿敗之賊竄來又復前

後來擊殲戮淨盡旋據馬應國等稟報連日會

同候補知府署渠縣事倪鼎銓等截擊土溪之

賊斬獲甚衆該匪等不能竄越均已折回此時

三匯口運道並無梗塞等語查賊匪等不能偷

渡渠河冉文僊等各股自必踞住大神山死守
勢需誘賊下山設伏截剿當於二十三日晚間
密派賽仲阿音泰穆克登布岳寧阿等帶兵
潛赴賊巢附近林箐埋伏二十四日清晨將各
營撤退揚言迎剿北來陝匪是日微雨該匪等
見我兵移動公然率衆下山竟襲我兵之後官
兵回身截殺當有行營千總勤勇巴圖魯徐有

山箭斃執旗賊目一人連殺三人復有把總武
文玉鎗斃賊人二名賊匪捨命抗拒徐有山武
文玉俱各中鎗陣亡我兵憤恨之極奮力掩殺
殲賊三百餘人賊慌急回奔我兵隨後追擊又
斃賊四百餘人時賽冲阿達音泰穆克登布岳
寧阿等伏兵齊出迎頭攔擊斃賊六百餘人餘
衆亡命狂奔分投潰逸此次誘殺賊匪一千四

百餘人生擒雷寬等一百餘人訊據供稱以文
儔與高均德等見官兵移動趕派二千人從後
抄襲搶掠物件至冉文儔及陝省各頭人並未
下山等語當將雷寬等卽行正法臣等思此番
誘賊下山冀圖掩擒賊首乃該匪等止遣夥黨
前來未能獲一首逆現在三路合兵仍卽趕緊
逼剿務期迅掃賊巢生擒首逆奏入

上命軍機大臣傳諭勒保惠齡恒瑞曰德楞泰等會
剿大神山賊匪雖將打石坡喻家垭守卡賊匪擊
退但仍未拏獲首逆一名且兩處山梁旣經攻克
正當乘勢進逼賊巢乃又以該處並無水道難以
存紮仍行撤回如此則賊匪等又何能忍渴在彼
拒守可見所奏不實不過籍詞支吾以爲延挨之
計惠齡恒瑞德楞泰俱著傳旨嚴行申飭且據惠

齡等奏稱賊匪互相結寨綿亘數十里賊衆祇有
二萬餘人又經官兵分路擊剿據稱先後殲賊共
三千餘人則現在賊匪不過萬餘何能連營如許
之長且遠中間豈竟無隙可乘自當相度機宜或
擇其疎空之處破其一二營寨則其餘即可迎刃
而解茲聞來奏乃轉爲賊匪虛張聲勢尤屬可笑
可鄙卽所稱酷熱異常官兵受暑甚衆豈官兵受

暑而賊匪獨能耐熱乎惠齡係那延泰之子在軍
機章京上行走有年於軍務較爲熟悉此路軍務
著責成惠齡專辦不可心存觀望仍著恒瑞德楞
泰實心幫同協力剿辦亦不得稍存推諉所有此
次打仗陣亡之行營千總徐有山候補千總武舉
洪殿魁把總武文玉俱著各部加等議卹但賊首
並未下山打仗僅令夥匪數千迎敵而惠齡等督

率如許強兵猛將與之對壘不能將賊匪痛殺以致損兵折將更爲不值伊等調度何在豈不自知羞愧耶

十二日

甲戌

勒保奏言

臣

進剿王三槐等一股賊

匪行抵大梁適值蘭芽場地方又有匪衆勾結起事窺伺後路當經督率總兵百祥等帶兵由溫湯井一路前進並令舒亮與知府吳桂帶領

兵勇由水田壩兩面夾攻均於十九日五更發
兵甫至石埡子卽有賊匪在彼設卡守拒我兵
搶上山梁將木柵草棚立時燒燬斃賊二百五
十餘名生擒張大有等二十八名官兵乘勝追
剿連搶王家坪荷包水兩處賊卡舒亮一路由
水田壩至董家坪隨剿隨進殺賊三百餘名賊
匪奔回蘭芽場在包兒埡東門關兩處屯紮二

十日寅刻

臣

督率百祥叅將王清弼薛大烈等

直趨東門關該匪等依恃地險抵禦甚力惟左
邊箐林內另有小路一道可達賊巢當派王清
弼帶兵五百名攀援而上搶入賊卡該匪等猝
不及防頓形慌亂百祥等亦催兵競進擊斃三
四百人維時舒亮等由董家坪進攻同時將包
兒亞搶據直抵蘭芽場鎗箭所到賊屍遍地生

擒賊首洪道人一名胡秀方等三百七十五名
內有賊目吳朝景鄭科復尹生奎曾維正等四
名搶獲牛馬礮位旗幟器械無算餘匪均由謝
家壩白廟子等處亡命奔竄復派舒亮百祥同
薛大烈張成王宗佑等分投抄襲二十二三等
日在向家坪後葉溝一帶痛加截殺斃賊四百
餘人餘匪卽時潰散惟臣正在進剿探知徐添

德一股賊匪竄至大寧中岡嶺因在分水河地方經觀成撥兵堵截不能衝過遂由高坪折回欲奔蘭芽場合穀富成七十五等聞信卽由觀妙山繞道抄截二十日抵蓋頂山正遇賊匪翻山而至該處溝坎層疊兩旁悉係深林富成七十五督兵下壓賊匪亦搖旂蜂擁而來相持二十四時之久斃賊二百餘人賊匪始漸却退我兵

卽於蓋頂山坡暫紮次日五更徐添德等聞蘭
芽場之賊已經剿散轉從蓋頂後山直撲富成
營盤冀圖奪路奔走當經富成帶兵迎擊正在
攪殺七十五復帶領官兵兩面合擊斃賊五百
餘名賊匪復由三溪溝小路滾巖竄逸直至陳
家山距安樂坪數十里王三槐等因徐添德奔
竄而來卽分撥匪衆於擂鼓臺一碗水等處屯

紮冀圖接應

臣

一面飛飭富成趕緊追剿徐添

德股匪一面飭令七十五帶兵暫駐走馬嶺以

防捕鼓臺等處接應之賊

臣

於二十五日從蘭

芽場馳赴路陽二壩據報徐添德因官兵追剿

緊急不能與王三槐合夥連夜奔逃由網鹿溪

一路直至趙家場距開縣四五十里該縣防守

兵力本屬無多是以復令富成帶兵趕赴開縣

三
侯探明賊蹤去向另行相機剿辦至擂鼓臺一

碗水等處本係安樂坪進兵要道臣與七十五

踴探路徑卽於二十六日黎明由路陽三壩分

兵進剿連奪賊卡三處殺賊三四百人餘匪仍

回安樂坪一帶屯紮臣查蘭芽場股匪內爲首

係牟登元自稱元帥洪道人自稱軍師洪道人

俗名張洪均係王三槐徐添德徒弟先後勾結

陳五綱等三千餘人屯踞蘭茅場一帶五月初
間適王三槐等由開縣竄至雲陽該匪依附賊
勢肆出焚搶以圖牽綴官兵滋擾後路茲幸大
兵趕到立即殲除並將洪道人臨陣拏獲人心
無不稱快其牟登元等雖未全擒而夥黨已經
潰散現仍分撥兵勇搜剿惟王三槐一股屯聚
安樂坪或折竄開萬與徐添德同逃或東趨奉

卽大寧希冀苟延殘喘均未可定是以臣現在

分兵布置剋日進攻至林亮功一股竄匪節據

富森布等稟報於樊噲店毛堽子等處打仗殺

賊二百餘名二十一日追至太平屬之玉皇廟

地方與楊秀合兵剿殺賊匪三百餘名現由關

渡口一帶分投追擊臣已飛飭該鎮將等上緊

兜擒毋許稍涉疎縱所有洪道人等犯訊供後

卽行分別凌遲正法此次各路打仗都司石鼎
臣郭明宗守備李連發千總吳興開李如椿五
員陣亡其餘傷亡弁兵鄉勇容俟查明咨部

勒保又奏言

臣

前因楚陝兩省竄匪逼近川境

節經飛飭各地方官團集鄉勇嚴密堵禦茲據
大寧縣知縣鍾蓮稟稱楚匪於六月十一日率
衆攻撲偏岩子經該縣團勇據守險要施放滾

木插石匪衆退至竹谿縣屬香溪九灣經該處
鄉勇截殺一千餘人嗣又分擾大莊溪一帶卡
隘均經團勇併力擊退殺賊數十名現在賊匪
退回陝楚交界之大樹河茅壩一帶屯紮其李
全一股賊匪自陝省闖入南江該縣裘良駿督
率團勇在沙河子長池等處截殺多名生擒孫
國政等七名川北道李紘督同巴州知州常發

祥知縣楊在韶于總岳廷椿等各帶鄉勇分路
馳擊復又斃賊一百餘名生擒李純修等十一
名餘匪遂由巴州江口竄至達州白衣菴紮筏
搶渡經知州劉佳琦督率鄉勇隔河轟擊匪衆
驚潰退向江陵溪一帶奔竄該處與高均德冉
文儒等盤踞之大神山等處相距不遠且據探
報阮正通一股復由漢中折入南江是陝省各

股竄匪俱已全數入川臣現在飛咨德楞泰惠

齡恒瑞速將大神山一路賊匪趕緊殲除就近

移兵以次剿辦均奏入

上命軍機大臣傳諭勒保宜綿景安惠齡恒瑞秦承
恩曰勒保將蘭芽場新起賊匪剿散拏獲賊首洪
道人所辦尙好但牟登元仍任竄逸各股首逆亦
未擒獲一名此次剿辦教匪計川楚陝前後調派

滿漢市土兵丁及發往京兵並吉林黑龍江勁旅
合計不下八萬餘名而現在川省勒保一路原帶
兵丁已有萬人加以本省駐防並各標營協及土
練各兵又有萬餘又續調雲貴新兵一萬此時德
楞泰復帶領吉林黑龍江及滿漢官兵七千餘人
明亮額勒登保又帶兵四千餘名先後馳往合之
惠齡恒瑞興肇及各路鎮將等所帶兵丁通共不

下五萬餘人此外尚有各處鄉勇爲數甚多試思
以如此重兵會合擊剿卽兇渠巨憝亦無難一鼓
掃犁況不過內地亂民勾連烏合豈有不能速行
撲滅之理乃剿辦兩年有餘迄未擒渠奏績伊等
捫心自問尙有何顏飾詞對朕耶勒保等如各知
愧勵其矢天良速將各賊首剋期擒獲尙可稍贖
罪愆仍邀恩資倘自問實在無能不能辦理完竣

亦應據實陳奏另候酌辦此時各股賊匪俱剿逼
入川而各路強兵勁旅亦俱會聚川省正是極好
機會勒保身爲總統自當乘此兵雄將廣之時通
盤籌畫擇其緩急機宜何處以偏師綴賊勿令他
竄何處以全力專注兜圍截擊果能擒拏首逆幾
名速行辦竣一路則士氣奮揚賊情消阻其餘各
股賊匪自可迎刃而解所有此次各路打仗陣亡

之都司石鼎臣等俱著咨部加等議卹又據奏李
全阮正通竄入達州南江此二股賊匪皆係德楞
泰在陝時不能及早搜捕縱令入川可見前治德
楞泰之罪尙爲寬宥若不速將大神山竄聚各賊
首悉行擒獲自思當得何罪至川省現在大兵會
擊賊匪情急難保不乘間奔突此時陝楚兩省必
須於境壤毗連地方嚴密堵禦宜綿景安秦承恩

王文雄等已經分段責成務須各守邊界督率兵
勇奮力截擊毋使賊匪一名闖入若稍有疎防則
責有攸歸恐不能當此重戾也

欽定剿平三省邪匪方略正編卷七十六

戊午年

七月十六日

戊寅

宜綿奏言楚匪由油榨坪翻山

因安康平利一帶防堵嚴密未得入陝已由太
平縣城奔至平壩雞公灘一帶其桃花壩一股
賊匪先由平壩竄入大竹河滋擾此股賊匪亦
有欲赴大竹河之勢逼近西鄉之鹿池壩紫陽
之毛壩關當卽飛派柯藩就近帶兵八百名馳

赴毛壩關堵截仍恐兵力單弱臣復帶兵七百

名趕赴該處督同嚴堵復飛調關騰抽帶兵勇

由兩扇門星赴紫陽界嶺一帶分布要隘遏其

紛竄之路並於毛壩關一帶聯絡聲勢兼可策

應西鄉連日探聞額勒登保緊躡賊蹤明亮計

日亦可與額勒登保會合併力追剿如該匪等

奔向紫陽一路臣正可迎頭夾擊其西鄉鹿池

壩要口業經秦承恩派令田有成就近帶領兵勇前往並王文雄承德帶兵分投截堵臣仍與

秦承恩彼此知會設法嚴密堵禦至部撥川餉四百萬兩分爲十六起行走現據委員稟報前八起已俱解至廣元神宜驛交明川省委員接收轉運其後八起亦於本月望前可以運竣所撥甘糧十萬石已於前月二十日由畧陽起運

一萬石入川復飭陝甘委員等多覓船隻設法
趲運並飭防堵寧羌沔縣之總兵吉蘭泰就近
督催護解入川奏入

上命軍機大臣傳諭勒保宜綿秦承恩額勒登保曰
陝省賊匪俱已竄入川境而紫陽西鄉一帶接近
太平宜綿自當與秦承恩王文雄等督率兵勇各
按分定地段扼要防堵如有闖入者卽行截剿俾

陝境得就收寧而川省會合兜擊亦可得力毋稍
踈懈至張漢潮劉成棟等一股竄匪不過賊中小
頭目前經官兵由湖北截殺復自平利竄入太平
勢已窮蹙明亮額勒登保等帶兵追剿豈尙不能
撲滅何以又隔旬日未據續有奏報明亮額勒登
保與肇俱著傳旨嚴行申飭

二十日

壬午

額勒登保與肇奏言竊

臣

等剿賊入

川卽由太平所屬之兩扇門平溪河高溪場一帶進擊於袁家廟渡口場等處經官兵將賊匪圍截賊衆尙敢執持白布大旗哨聚放鎗捨命抵拒我兵馳馬衝突鎗箭並發斃賊紛紛賊始潰敗官兵等盡力窮追在托溪河木瓜壩一帶殲賊六百餘名賊匪四竄遁入深林該處係太平邊界毗連開縣東鄉地本遼濶可通縣治之

路亦多

臣

等正在相度山勢一面杜其侵入縣

城一面緊躡剿辦復據同知淡士灝太平令鍾

蟠雲稟報有由大寧境內闖入賊匪一股在該

縣之平壩等處又有開縣竄匪一股由太平東

界毛埡子奔竄後河羅紋壩等情此等賊匪自

係川省剿急竄出之賊更應一鼓殲除

臣

等遂

分兵三路

臣

額勒登保帶領豐紳格布舍楊遇

春汪啟爲一路臣興肇帶領巴克坦布那全喜

卜產豆爵劉瑞爲一路並令綸布春帶同噶拉

噶達璦倭什渾多爾濟扎普富里善德明泰爲

一路以便到處截殺乃賊匪張漢潮等自袁家

廟敗竄之後一見官兵輒於無路處翻山奔逸

臣等察看山頭並詢訪土人覓路發兵於方家

灣老鴉口白筍坪七里溝石蓮花橋壩嘴大巖

等處叠次抄擊有時迎遇賊復掉頭折竄有時
兩路截在深溝賊又從旁翻越因山路過險祇
可步行至草壩場錦雞場白楊廟顧金壩等處

臣額勒登保帶兵緊躡賊蹤追殺臣興肇亦卽

從舊縣壩右手抄入顧金壩綸布春帶兵橫出
中河楊柳池至顧金壩三面官兵圍繞此一帶
河流錯出官兵等跣水盤旋奮擊數時自辰至

西斃賊一千餘名滾崖跌斃者亦復不少餘賊
又向官渡西南東鄉開縣交界分股奔竄先後
生擒鄭有朋等三十五名訊係從逆日久之犯
據供張漢潮等疊經官兵追剿亡命奔逃有時
說要由通江巴州至陝西有時說要尋覓王三
棍大衆合夥游移無定餘無要供當俱正法現
在平壩之賊既經剿潰是否餘匪歸入張漢潮

等一股及開縣竄來之賊又竄往何處未得確
信至賊之詭詐於逃竄時往往恃其人眾作爲
數股意欲分我兵勢臣等所領兵三千餘名不
得不分頭趕擊層山峻嶺賊匪亦無能窺測若
遇平衍之處未免稍單然此時賊衆已歸逼在
川而川省各路俱有官兵分剿頃接明亮來信
已帶兵由太平之北白沙河一帶迎擊前來不

日可與臣等會合一切更當與之熟籌趕辦以期迅速擒渠奏入

上命軍機大臣傳諭勒保惠齡恒瑞明亮額勒登保德楞泰曰額勒登保等在太平縣境剿殺賊匪祇不過東追西逐情形並未將張漢潮等拿獲且於該匪現竄何處亦未知確實而明亮又因擊剿白沙河竄匪尚未趕到會剿伊等所辦何事若再不

能確探賊蹤卽時撲滅則罪上加罪伊等尙思倖
邀曲貸耶至勒保原帶兵丁合之雲貴新兵共有
萬餘豈不能兜截奮擊拿獲首逆而惠齡恒瑞德
楞泰等剿辦高均德等賊匪兵力尤強况高均德
阮正通冉文儔等同竄大神山並於山腰創挖壕
塹掘斷山路是其勢已成困守惠齡等帶領如許
強兵勁旅總不能設法兜圍直攻巢穴將首逆按

名擒獲且賊首王廷詔近來總未提及究竟曾否
殲斃抑在何處竄匿亦著查明具奏卽此可見伊
等竟覲然安坐營寨不過分遣將領帶兵追躡僅
據各路稟報打仗殺賊情形撫拾塞責如此又安
用總統及各路領兵大員爲耶勒保惠齡恒瑞德
楞泰著嚴行申飭卽伊等自問官在無能亦應將
現在如何設法運籌之處據實具奏乃伊等總未

切寔奏覆是誠何心豈竟不知感動坐視朕焦勞
莫釋耶

二十二日

甲申

惠齡恒瑞德楞泰奏言查冉文偉

等各股賊匪屢經被殲惟恐官兵進逼每日添
卡挖壕搬運木石而於土溪一帶又遣賊人砍
木紮筏思欲偷渡渠河以爲緩則固守急則奔
逃之計

臣

德楞泰於七月初四日由土溪三路

進兵攻至望生坡獲賊一百餘名一面復派遊擊伯明都司馬應國帶領兵勇八百名夜半由

李福溪林壩溪過河於西山後林內埋伏並令林壩溪河東鄉勇暫撤至福長寨預爲伺備示

以東岸無人該匪等必來探水偷渡以期截殺

臣惠齡恒瑞探得香安坪土門壩一帶山梁爲

賊人出入路徑當卽知會德楞泰從賊巢東

鷹嘴巖進攻以牽其勢

臣

惠齡恒瑞從賊巢西

面玉皇寨一帶山梁分攻香安坪土門嶺賊卡

並派總兵觀祥副將凝德德忠穆克登布等各

帶兵丁四周埋伏以爲接應七月初五日五鼓

同時進發

臣

惠齡督率總兵李紹祖副將關聯

陞佟世徵叅將增德等帶兵進攻香安坪賊卡

賊人率衆抗拒我兵奮力進撲卽時將卡牆打

破殲賊三百多人賊衆奔潰生擒周貴等二十餘人奪獲刀矛一百五十餘件

臣

恒瑞督率副

將馬兆瑞遊擊岳寧阿李天林佐領祿成等帶

兵進抵土門堽督令併力攻撲相持未久當將

賊卡打開殲斃二百餘人賊始驚竄

臣

惠齡恒

瑞合兵一處正在拿卡詎該匪等狡詐百出鳴

鑼擊鼓約二千餘人從三板場鼓噪而來欲撲

官兵又有一股賊匪約一千餘人從金家場撲來在官兵北面吶喊而東西兩面各有賊匪一

二千人冀圖邀截官兵

臣

惠齡恒瑞督令李紹

祖關聯陞馬兆瑞岳寧阿等分頭迎剿當有疑

德德忠各領兵丁從外奮勇殺入斃賊一百餘

人我兵見有接應人人用命兩面夾擊又斃賊

六七百人生擒一百餘人是時三板場賊匪正

在紛紛上山適觀祥帶兵趕到趁勢下壓斃賊
八九十人賊匪折回逃竄官兵從後掩殺又斃
賊四百餘名賊衆驚慌無措滾崖墮澗惟時金
家場一股賊匪搶上山包正來攻撲副將銜穆
克登布帶兵迎擊首先斃賊二人我兵奮勇截
殺當斃賊三百餘人賊人驚惶奔逸我兵乘勝
掩擊又斃賊二百餘人餘匪各從坡坎竄逃

臣

惠齡恒瑞聚集各兵當將香安坪土門堽山梁
佔踞並乘勝奪獲山坡下賊營三處

臣

德楞泰

督率領隊蹇冲阿溫春阿哈保阿穆勒塔達音

泰副將德寧遊擊馬瑜等帶兵進至鷹嘴巖據

報李福溪一帶有賊二千餘人潛至河邊思欲

搶渡

臣

德楞泰卽帶兵趕至李福溪已經前派

之伯明馬應國帶領伏兵迎頭截擊殲賊二百

餘名

臣

德楞泰從後抄殺又斃四百餘人割獲

首級一百餘顆淹斃者約六七百人生擒周德

勝等四十九名訊據供稱我等係高均德手下

人高均德龍紹周派令頭目朱金祿等帶領夥

匪二千人因見東岸無兵把守思量偷渡過河

高均德等隨後亦要逃走今被官兵截殺殆盡

朱金祿又被射死等語餘無要供當將該犯等

正法^臣等此次三路官兵統計殲賊三千餘人

而首逆未擒是深憤恨查各股賊匪聚於一處

^臣等自北兜剿勢不能折回北竄而渠河一帶

屢經我兵截殺偷渡無方此時屯踞大神山不

過恃衆據險正可聚而殲擒^臣等飭令三匯口

蚊蟲溪各河口地方多撥兵勇嚴加防堵^臣等

三面環攻逐層進逼以期掃除各逆奏入

上命軍機大臣傳諭勒保惠齡恒瑞曰此次惠齡等
分兵三路設法攻擊雖將香安坪土門堽賊卡佔

據各路殲賊三千餘人畧形振作但前據惠齡等
奏大神山之打石坡喻家堽爲賊匪要隘業經攻
克自可乘勢直前擒拿首逆今又未能直搗巢穴
僅攻克賊卡二處是所奏情形仍不過藉詞展緩

一奏塞責惠齡恒瑞德楞泰仍著嚴行申飭現在

攻克之地係附近賊巢爲賊人出入必由路徑惠齡等已合兵一處掣卡圍逼是其要隘已失無可拒守而渠河一帶偷渡之賊又屢經官兵截殺無虞東竄且據奏此次賊匪分路攻撲營盤不過四五千人而惠齡德楞泰等兩路所帶官兵共有萬餘務須督率將士三面環攻直搗賊巢速將各賊首按名拏獲總之打仗殺賊全在統兵大員親臨

行陣身先督率將士方能用命凡兵丁可到之處
惠齡等亦必當身臨其境督兵奮擊毋得僅在後
隊以致將領兵丁羣相觀望至勒保身爲總統尤
當將王三槐股匪速行掃蕩移師擇要會剿今以
如此多兵辦此無多賊匪遷延時日尙爲牽綴不
能迅就殲除又安望其能將各路剿捕機宜運籌

調度耶

二十四日

丙戌

勒保奏言

臣

自將蘭芽場新起賊

匪剿散之後卽山路陽三壩進兵連奪一碗水

等處賊卡所有王三槐冷添祿大夥賊匪仍退

回安樂坪一帶屯聚節次拿獲活賊訊據供稱

王三槐等屢經官兵剿殺狂奔天氣暑熱情形

極爲狼狽嗣到安樂坪因地地方險峻可守是以

冷添祿等商量暫行屯紮

臣

通籌大局川省賊

勢旣形散漫而王三槐徐添德兩股尤爲兇悍

梁魁徐添德一股前由陳家山奔竄已經臣飛

飭富成帶領官兵和緊追剿至王三槐等旣已

屯紮安樂坪正應併力進攻惟該處地方險峻

四面層山該匪等復於要隘處所修砌木城石

卡守禦甚固臣踴探路逕除走馬嶺正路之外

其西南之將軍梁東北之芝蔴嶺兩處尤爲險

要_臣於初二三等日先派艾如文及穆克登阿

分帶兵勇將雲陽大寧兩面賊匪出沒道路拿

卡堵截並派舒亮與知府吳桂帶兵於大興場

駐劄以壯聲援初四日五更密派七十五帶兵

一路進攻將軍梁富爾賽帶兵一路進攻芝蔴

嶺_臣帶兵由走馬嶺正路進發隨時調度七十

五富爾賽等同時並發守卡賊匪一見官兵驟

上均各上前抵禦我兵奮勇接戰直上山梁斬
獲甚衆當將將軍梁芝蔴嶺奪據次日五更忽
有賊匪七八百人蜂擁直撲大興場一路營卡

冀圖

竄經舒亮等督率兵勇迎頭截擊

斃賊二百餘人賊衆驟退適

臣

分派百祥帶兵

策應從大興場山溝抄出痛加截殺橫屍遍地
生擒杜學成等五十六名訊據供稱安樂坪大

山周圍八九十里除修砌木城石卡之外其餘
上山小路概行挖斷原想搜聚糧食待到秋涼
再定去向因連日官兵攻打緊急恐守不住所
以先派我等下來如衝得出去王三槐等隨後
逃走餘無要供隨將該犯等正法初七日寅刻

臣復督率七十五百祥等分兵三路進攻安樂

坪之前祖師觀山梁並令富爾賽舒亮穆克登

阿各帶兵勇從安樂坪東北覓路而進以分賊
勢是日七十五百祥催兵競上各兵勇攀援樹
根石角迅越陡坎五層賊匪望見亦卽鳴鑼吶
喊陸續聚集我兵鎗箭並發拋擲火彈打開木
城兩座殺賊三百餘人賊匪施放滾木擂石抗
拒甚力

臣

察看祖師觀之左有廣木山大梁一

路較爲得勢遂令百祥等帶兵於祖師觀下悉

力相持七十五分帶官兵出其不意疾趨廣木
山連奪賊卡三座殺賊四百餘人餘衆仍退向
安樂坪祖師觀一帶據險拒守其富爾賽等所
帶官兵分投攻剿連克季家臺對我來二台山
仙人洞等處賊卡殺賊三百餘人惟逼近賊巢
有木柵一道賊匪狙伏兩旁飛石如雨兵勇不
能竟上遂於季家臺一帶拿卡與賊巢對拒如

能仰仗

天威乘其踞險負隅分兵圍捕自可迅擒首逆至徐
添德等一股賊匪經富成帶兵追剿沿途均有
斬擒該匪等捨命狂奔由開縣新寧邊界竄至
梁山之新場土門場等處焚擾經署梁山縣知
縣方積帶領鄉勇迎頭截擊殺賊一百餘名初
一二等日富成追至楊家嘴一帶連次邀擊殺

賊一二百名至三四百名不等生擒蘇元貴等
二十三各隨卽正法匪衆均由老鷹場一路奔
竄臣現經飛飭梁山大竹塾江等縣偵探賊蹤
分布鄉勇認真堵禦並令富成督率官兵趕緊
截剿毋許稍存觀望此次攻剿安樂坪遊擊王
宗佑因奮勇撲卡中鎗陣亡七十五舒亮均有
受傷都司梁時豐馬蹶受傷甚重其餘傷亡弁

兵鄉勇另行查明咨部

勒保又奏言查川省賊匪股數本多情形較爲散漫除王三槐徐添德兩股大夥匪衆外如林亮功一股由太平縣屬關渡口一路竄逃經富森布並叅將姜敏功等於二十三、四等日在季家坪構皮壩等處分投掩殺斃賊四百餘名生擒何大珍等六十九名又於二十八、九等日在

雞公梁猫兒跳一帶截殺二百餘名生擒傅珍等三十九名餘匪正在窮蹙狂奔之際適陝匪李全一股由達州江陵溪關入東鄉縣屬胡家場一帶與林亮功合夥臣已嚴飭富森布等趕緊剿洗其王光祖一股本係楚匪前隨王三槐徐添德等一路逃竄嗣因大寧各卡堵禦甚嚴未能衝突回楚遂卽折入太平縣境三溪子地

方現准額勒登保知會張漢潮一股賊匪前由楚省竄至平利被剿情急業已闖入太平縣雙扇門一帶該處卽與三溪子相距不遠勢必乘間竄合

臣

隨飛飭楊秀帶領官兵馳赴城口一

路迎擊但該處地廣兵單恐難堵禦嚴密因查此時楚匪旣由平利闖入川疆陝省並無另股賊匪所有沿邊地方本有永德王文雄柯藩田

有成及道員溫承惠文需等帶領兵勇分投防
堵宜綿秦承恩復又分駐興安漢中足資捍衛
是以飛咨明亮速帶官兵趕緊來川與額勒登
保等分投夾擊以期剿辦得力至高均德等股
竄匪自與冉文儔合夥後現仍屯踞大神山其
羅其清一股亦於箕山屯踞互相狼狽經臣節
次飛催惠齡恒瑞德楞泰等合兵攻剿尙未次

第殲除並查大神山一路南卽渠河綿亘百數十
里可以踴渡之處甚多而官兵俱在東北一

帶是以

臣

先經飭令該處附近之廣安大竹等

州縣各募鄉勇二三千名協同渠縣本境鄉勇

分段防守嗣該匪等節次由土溪李福溪一帶

紮筏搶渡均經鄉勇擊退惠齡等自己隨時具

奏此外阮正通一股前由漢中折入南江經該

令裘良駿帶領鄉勇於土地壩平河等處截殺

一百七十餘人生擒郭金山等二十四名總兵

德齡道員李鉉等督率兵勇在巴州酒店壩等

處堵禦殺賊一百餘名生擒傅潮剛等十二名

餘匪遂由石壩場竄入儀隴境內

臣因德齡所

帶兵力無多現飭道員李鉉挑派巴州儀隴兩

處團勇設法圍圍

臣

惟有與各路帶兵大員和

表商確策勵將士趕緊進攻總期次第殲擒肅清川境再查觀成劉君輔自老木園剿賊竣事之後當經臣派令在蒙州一路安設營卡分投堵禦洵屬奮勉出力倘蒙

皇上逾格施恩將觀成補授西安副都統劉君輔補授建昌鎮總兵不特伊等感激奮興力圖報効卽各路帶兵大員更足以知觀感於軍務是爲

有益至老木園一帶打仗殺賊之將備人等謹
將實在受傷出力者五員開單呈

覽均奏入

上命軍機大臣傳諭勒保惠齡恒瑞富成明亮額勒
登保德楞泰曰連日盼望茲切保捷音極爲殷切今
據奏到剿辦賊匪情形仍不過攻克將軍梁芝蔭
嶺等處山梁殺賊亦屬無多首逆尙在安樂坪竄

聚並未能拿獲一二名空言何益其所奏各路剿
辦賊匪一摺亦不過分投追躡並未能肅清一路
似此輾轉遷延動爲賊所牽綴何日始能辦竣勒
保所帶官兵不爲不多今王三槐等竄匿安樂坪
將路徑概行挖斷其勢不過負嵎困守安能日久
支持且賊匪緊要卡隘俱被官兵奪獲所恃者木
柵一道豈尙不能毀柵塹巢擒拏首逆勒保身爲

總統不可因賊照較多心流意亂惟當加倍策勵
速將此股賊衆卽日殲除移師要督率各路將
領兜擊截剿此次七十五以提督大員親身督兵
殺賊受傷尚爲奮勉著賞給喜字主搬指雕漆鼻
烟壺大小荷包以示獎勵仍著上緊醫治痊愈勒
保若能奮勉立功自更當懋膺渥賞豈可不知自
勵耶陣亡遊擊王宗佑著各部加等議卹至徐添

德一股現經富成督兵追剿何以尚未辦竣富成
已加恩擢任將軍非鎮將可比務須加倍出力速
將賊首拏獲朕必當重加恩獎

上諭內閣曰勒保奏視成劉君輔在麥州一路安設
營卡分投堵禦尙屬奮勇出力觀厥著加恩補授
西安副都統劉君輔著加恩補授建昌鎮總兵其
在老木園打仗殺賊受傷出力之將備參將呂朝

龍著賞給副將職銜遇缺補用防禦崇喜著賞戴
花翎候補守備虎正林守備劉正順俱著賞戴藍
翎千總傅廷剛著以守備陞用

二十六日

戊子

明亮與肇奏言查賊匪張漢潮等

被剿情急亡命奔逃川中賊匪又復潰而四散
時分時合連日仍在太平縣境深林峻嶺盤折
逃遁額勒登保與

臣

興肇帶兵分路由葫蘆壩

官渡茅坪戴家壩等處截擊沿途斬戮三百餘

名

臣

明亮自白沙河石塘壩龔家壩一路迎擊

節次殲賊二百餘名生擒曾起榮等一百三十

七名因緊截賊蹤無暇細訊除將從賊打仗者

正法八十六名外其餘分交太平通江各縣研

鞫辦理官兵節日前進十一日午間兩路官兵

均抵長壩地方該匪等正在擄掠不意官兵猝

至甚形惶懼又復狂奔我兵分合究剿趕殺數
十里至滾嶺坡一帶山勢亦甚陡險賊匪分股
爬坡下溝而竄時已薄暮暫行駐營是日斃賊
七百餘名生擒姚遇順等七十七名內有賊目
田進方訊據供稱張漢潮等入川本欲與王三
槐等合夥近有王光祖一股賊匪從太平之平
壩等處前來竄合說各路官兵追剿緊急林亮

功等亦在潰竄張漢潮等實在畏懼旋折奔逃
王光祖竄合後亦係分投覓食並不常在一處
聽說要往通江巴州一帶山險處潛匿等語餘

無要供當卽分別凌遲正法

臣

等聞林亮功一

股賊匪又折回開縣地界已經勒保派有富森
布等帶兵趕剿張漢潮等現向通江界內逃逸
臣等於十二日五鼓仍卽發兵前進抄截惟是

額勒登保終日奔馳兩旬以來感暑雨飲食
日減精神疲憊幾至不能起立查滾嶺坡距太
平縣一百數十里臣等因囑令前往調理其原
帶之綸布春及官兵等俱卽隨同臣明亮等前
進設法兜剿此次打仗前鋒委驍騎校蕭德陲
亡其餘兵丁間有傷亡另行咨部

同日英善福寧奏言竊臣等接據川北各州縣

稟報李全阮正通二股賊匪自陝竄入又准明
亮額勒登保來咨追剿楚匪已由太平縣城口

一帶赴川是陝楚各匪均已入川大兵分投剿

捕糧餉軍火

臣

等悉心籌辦均皆豫飭各員妥

爲承辦源源接濟現在太平一路楚匪猝至並
據東鄉縣稟報前河中河後河地方均有賊匪
滋擾運道阻塞勢難安設糧站當卽先將銀二

萬兩挑選精壯鄉勇百名每名手持軍器各懷元寶二錠由山僻間道翻山奪路而逃卽路遇零星竄匪亦可併力格鬪共相保護現據報已將銀一萬兩送至太平接收至所需軍糧一面飛咨秦承恩轉飭陝省糧員暫行照舊供支一面選派妥員馳往俟道路稍清卽行接辦其惠齡恒瑞德楞泰一路官兵糧餉距達較遠已

飛飭保寧順慶兩處分投趕運所有續請餉銀
已陸續趕解來川臣等嚴飭各路糧員均須力
爲撙節如有浮濫供支卽著落承辦之員賠補
至前撥甘省麥石據報頭運一萬石於六月二
十日自畧陽起運刻下已抵廣元臣等飭令川
省委員趙運保寧順慶交收隨時磨麵以便搭
供附近各營兵糈均奏入

上命軍機大臣傳諭勒保惠齡恒瑞明亮德楞泰福
寧曰明亮等會剿賊匪祇係跟蹤追捕殲戮亦屬
無多並未將此股竄匪剿淨實屬無能張漢湖劉
成棟等屢經敗竄明亮等在陝時帶兵追剿仍任
竄入太平已屬延緩今到川會剿又不能上緊搜
捕復任與王光祖竄合所辦何事著再傳旨嚴行
申飭昨據勒保奏已派楊秀帶兵馳往迎剿而宜

綿等又在川省接壤處所扼要堵剿明亮等更可
與楊秀兩面夾攻速擒賊首至額勒登保因感患
暑熱不能帶兵留於太平醫治惟當上緊調理以
期病體全愈再行趕赴會剿其打仗陣亡之委驍
騎校蕭德著咨部加等議卹至王三槐一股賊匪
昨據勒保奏業將安樂坪賊卡攻克逼近賊巢是
賊匪不過踞守一隅勒保正可乘勢攻擊卽賊匪

設立木柵亦僅能阻擋一面其山梁旁近必別有
路逕可以乘虛進擊賊匪豈能面面抗拒惟當察
看形勢於賊蹤山沒處所預行設伏或故示以隙
誘令下山俟其奔竄時伏起擒拏是亦誘敵之一
計若專注一處惟知與賊相持既不能直搗賊巢
追賊匪由他路衝出又不能迎頭兜截復成尾追
則首逆於何日始能就獲耶此時川省正在分路

進剿糧餉關係緊要英善現今回省辦理鄉試監
臨福寧務須妥爲籌備無悞要需至勒保及帶兵
大員等俱係受恩深重之人不但不能速擒賊首
惟知坐支廩給已屬辜恩若再任意多糜尤屬天
良漸盡國家經費有常倘軍務一日不竣不但需
費不貲卽轉輸供億尤多煩擾豈尙得仍前泄泄
不急思歲功完事共圖撙節耶

二十九日

辛卯

甯齡恒瑞德楞泰奏言竊照冉文

儔與陝匪高山德等各股賊匪屯聚大神山經

臣

等將香安坪土門亞賊卡奪佔並截殺李福

溪偷渡各匪賊人勢甚驚惶刻思逃遁而三匯

一帶又經

臣

德楞泰派遊擊伯明都司馬應國

帶兵一千名會同署渠縣事倪鼎銓派撥鄉勇

日夜沿河堵禦不致竄越自應乘勢進剿查賊

巢南面距三匯大河不遠而沿坡賊卡林立未

易進兵須東西北三面潛行襲剿如能打破賊

巢卽有竄逸賊匪前阻大河正可從後掩殺逼

剿入水

臣

等當於七月初十日分兵三路同時

進攻

臣

惠齡督率總兵李紹祖副將關聯陞副

將銜穆克登布馬國統攻取西面

臣

恒瑞督率

總兵觀祥副將烏兆瑞德忠遊擊岳寧阿帶兵

從北面進攻

臣

德楞泰督率領隊賽冲阿阿哈

保達音泰副將德齡遊擊馬瑜帶兵由東面進

剿均於四鼓起行攀崖陟嶺而上

臣

惠齡鼓勵

將士當將賊巢西面一帶木柵打開一湧而入

連拋火彈立將賊人茅棚焚燒賊匪從睡夢中

驚醒冒烟衝出者約三四百人俱被官兵殲斃

臣

恒瑞督率官兵奮勇搶上山梁直隸把總張

奇首將北面賊卡砍開拋擲火彈各處焚燒殺

斃三百餘人張奇中鎗陣亡其東面賊卡

臣德

楞泰督令官兵奮勇搶撲賊匪猝不及防都司

李東山跳上卡墻砍死賊匪數人我兵相繼競

進遂將賊卡攻破鎗箭並發殺賊四百餘人

臣

等遂合兵攻撲賊巢正在短刃相接忽有賊匪

二千餘人從官兵後面趕至抵死衝突以爲事

綴而火光中遙見賊衆均向西南大山一帶紛

紛竄逸

臣

等料其不能由三匯口渡河第恐折

往靜邊寺一帶竄赴箕山與羅其清一股勾合

臣

德楞泰卽帶領巴圖魯侍衛富森德等率領

索倫吉林官兵抄至黃渡河迎頭截剿並派領

隊賽冲阿溫春等帶兵前赴羅市橋一帶截剿

又派副都統阿哈保阿穆勒塔等帶兵前赴小

山寨一帶埋伏

臣

惠齡恒瑞分督官兵將抗拒

之賊奮力剿殺當斃六百餘名餘賊四散奔逃

我兵分投掩殺又斃賊二百餘人

臣

惠齡恒瑞

隨即帶兵追殺兩日一夜十二日辰刻趕至靜

邊寺又殺賊三百餘人聞前路鎗礮之聲甚緊

臣

惠齡恒瑞催督兵馳抵黃渡河時

臣

德楞泰正在河口執殺斃賊一千餘名賊衆沿

河亂竄捨命搶渡

臣

惠齡恒瑞由左手抄擊

臣

德楞泰仍帶索倫吉林官兵由右手截剿殺死

及淹斃者約一千餘人生擒鄧宗文等五百餘

名

臣

等正在帶兵渡河忽見對岸騎馬賊匪數

百人蜂擁而至

臣

德楞泰卽帶馬隊官兵先行

渡河

臣

惠齡恒瑞帶領步隊官兵蹣跚急渡該

匪等直撲步隊勢甚猖獗我兵半渡之際毫不

慌亂俟賊臨近鎗箭齊發連斃二三十人賊匪

愈聚愈衆經

臣

德楞泰帶領馬隊由賊後奮力

掩擊見有手持大旗賊目四五人來往指揮當

有索倫佐領世襲輕車都尉阿勒唐古爾衝入

賊隊箭斃賊匪十餘人中鎗陣亡我兵人人憤

恨一湧前進待衛富森德箭射執旗賊目左膀

帶箭脫逃又有索倫委驍騎校五十五鎗斃執

旗賊目一名遊擊張鵬射死身穿蟒袍賊目一

名賊始慌亂

臣

惠齡等帶兵上岸督率官兵兩

面合擊殲賊四百餘名餘匪紛竄適有賽冲阿

阿哈保等兩路官兵追殺各處埋伏接應賊匪

四散奔逃

臣

等隨卽迎頭截擊又斃賊六百餘

人生擒黃仕焜等三百餘名餘匪俱竄向龍鳳

坪大包山一帶時已天黑暫行紮住

臣

等當提

鄧宗文黃仕焜等研訊據供冉文儔與高均德
龍紹周禹斯珍龔建王正潮等六姓賊首共有
二萬數千人屯踞大神山一帶初十日官兵半
夜進攻打破卡寨頭人等分路逃走不能偷渡
渠河卽從靜邊寺河邊逃走想到箕山與羅其
清合夥又被官兵趕至黃渡河殺死幾千人陝
西大頭目禹斯珍中鎗身死高均德左膀帶箭

脫逃穿蟒袍者是冉文儔之弟冉文宇又被射死等語餘無要供當將該犯等正法查此次各路殺賊共四千餘人又自行投首馮秉鈞楊示祥等四百三十六名當卽訊明委係營山縣地方被擄百姓逐一分別釋放惟冉文儔等仍未生擒臣等寔深憤懣慚惶現在該匪等竄往龍鳳坪一帶自當竭盡心力分兵抄賊之北相機

兜剿以期生擒元惡掃盡餘氛奏入

上命軍機大臣傳諭勒保惠齡恒瑞德楞泰曰此次惠齡等分路乘夜進攻打破賊卡痛殲賊衆四千餘人所辦較爲振作但賊目禹斯珍之名從未奏過而且並未生獲雖經鎗斃不足爲功然賊匪經此痛剿已有潰散之勢惠齡等惟當趁此時督率官兵緊躡賊蹤或繞前抄截或分路兜擒或用間

計誘况高均德業被箭傷目不能遠竄務須乘此
勝勢卽行擒獲而冉文舉等之勢更孤亦卽可迅
就殲擒一俟肅清此股賊匪卽可移師擇要會剿
其陣亡之索倫佐領阿勒唐古爾把總張奇俱著
咨部加等議卹